

01.10.2019

UKA2019/152

Uunga siunnersuut: Suliffeqarfiit innuttaasunik tapersersortarialinnik suliffissaqartitsisut nalunaarsugaasut pillugu Inatsisartut inatsisaat nr. xx, xx. xxx 2019-imeersoq
(Inuussutissarsiornermut, Nukissiuuteqarnermut Ilisimatusarnermullu Naalakkersuisoq)

Naalakkersuisut Innuttaasunik tapersersortarialinnik suliffeqarfinni sulisinnaanerannut illersugaanissaannut tunngassutilimmik, Inatsisartut inatsisissaatut saqqummiussinerannut Siumumiit qatsavigavagut imaatunillu oqaaseqarfigissavagut.

Aalajangiiffigisassatut siunnersuut naapertorlugu ilaatigut suliffeqarnermik peqataatitsinerusumik pisariaqartitsisoqarpoq, tassani inuit tapersersortarialit imaluunniit inuit innarluutillit atugarliortut inuiaqatigiinni allat assigalugit, kiisalu pissutsini atugarisassanilu immikkut pisariaqartitanut inissaqartillugit sulisinnaallutik, taamatullu aqutissiussisoqarnissaa Siumumiit tunngaviatigut taperserparput.

Tusarniaanermilu GE-ip allallu akissutiminni tungaviatigut tapersiinerat maluginiarparput, annikitsunnguit iluarsissutissatut eqqaaneqarsimasut eqqaassanngikaanni soorunamik Inatsit sunaluunniit nalimmassarneqartuartaavaoq, Nunallu allat tarrasorfigineqarsimanerat aamma maluginiakkatta ilagaat taamaatorli Nunatsinnut naleqqussarneqarsimasoq aamma eqqaaneqarpoq.

Eqqarsarnarsinnaasutullu taarusupparput suliffeqarfiit piumasaqaatinut naleqqussarnissaannut qanoq Inatsit sunniuteqarumaarnersoq, tassami piumasaqaatit naammassiuminaappata Inuit tapersersortarialit eqqornerlunneqannginnissaat qulakkeerneqartariaqarmat.

Taamaatorli oqaatigereerkatitut Siumumiit Inatsisissatut siunnersuutigineqartoq tunngaviatigut taperserparput, taammalilluni Inuit tarpersersortariallit aammalu innarluutillit suliffeqarsinnaanikkut illersugaanissaat qulakeerneqassammat, mianersoqqussutigaluguli Inatsisissatut siunnersuut killormut sunniutissanngimmat tamanna qularnaartariaqarpoq.

Taamatut oqaaseqarluta aaliangiiffigisassatut siunnersuut ataatsimiitaliamut susassaartumut ingerlatipparput, ataatsimiitaliamilu ilaasortat sulilluarnissaannik kissaallugit.

Qujanaq

Henrik Fleischer, Siumut